



Na osnovu odredbe iz člana 9. do 11. Pravilnika o radu JP Elektroprivrede BiH d.d.-Sarajevo, Odluke o načinu izbora, postupku i kriterijima za izbor novih radnika i pripravnika u JP Elektroprivreda BiH d.d. Sarajevo (Prečišćen tekst broj: U-06-23311/2020 od 27.08.2020. godine i broj: U-01-930/21.-66/9. od 12.01.2021. godine), Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva, broj: 06-14208/20 od 29.05.2020. godine (prečišćeni tekst), Odluka Generalnog direktora o potrebi zapošljavanja novog radnika u Podružnici „Elektrodistribucija“, Bihać zbog neplaniranih okolnosti, broj: 01-03-30115/21 od 23.09.2021. godine, Direktor JP Elektroprivreda BiH d.d. – Sarajevo Podružnice „Elektrodistribucija“ Bihać, raspisuje:

OGLEAS
za zapošljavanje novih radnika

Oglašava se potreba za prijem u radni odnos na određeno vrijeme do povratka radnika sa bolovanja, a najduže tri godine na slijedeće radno mjesto:

1. Čitač brojlara-djelilac računa u Poslovnoj jedinici distribucije Bihać, mjesto rada Bihać, 2 izvršioca

KRATAK OPIS POSLA RADNOG MJESTA:

vrši očitavanje direktnih mjernih mjesta, a saraduje na očitavanju poluindirektnih i indirektnih mjernih mjesta, vrši vizuelnu kontrolu ispravnosti mjernog mjesta, neovlaštene potrošnje električne energije i ostalih podataka vezanih za kupca električne energije, vrši podjelu-uručenje računa, opomena i obavijesti kupcima električne energije, vrši kontrolu i stalno ažurira podatke o kupcima, očitavačkim listama i redosljedu kupaca, izvršava i ostale poslove u skladu sa Uputstvom o očitavanju i podjeli računa, provođenje naloga Rukovodioca Poslovne jedinice distribucije koji izravno vodi poslove očitavanja mjernih uređaja i poslove podjele računa i koordinira ove poslove sa djelatnosti Snabdijevanja, očitavanje i podjelu računa, opomena i obavijesti kupcima električne energije, ažurnost, ispravnost i kompletnost očitavačke liste i redosljeda potrošača u njoj, za praćenje i primjenu propisa, normativa, odluka, uputstava i preporuka u elektrodistributivnoj djelatnosti JP Elektroprivreda BiH, u radu primjenjuje procedure sistema kvaliteta, saraduje i učestvuje u radu radnih grupa i/ili timova u koje je imenovan po posebnom rješenju, obavlja i druge poslove po nalogu Rukovodioca PJD, obavlja i ostale poslove saglasno Pravilniku o radu, ponaša se u skladu sa pravilima ponašanja u vezi sa radom (Pravilnik o radu, Etičkom kodeks ponašanja, poštuje propise Zaštite na radu) te ostali poslovi prema važećem opisu poslova.

Pored općih uslova utvrđenih zakonom, kandidati treba da ispunjavaju i posebne uslove utvrđene sistematizacijom radnih mjesta i to:

- da posjeduje stručnu spremu IV-SS /III KV, tehničko zvanje/gimnazija
- da imaju šest (6) mjeseci radnog iskustva u struci na istim ili sličnim poslovima nakon sticanja tražene stručne spreme

Kandidati su dužni uz potpisanu prijavu na Oglas sa kraćom biografijom, adresom stanovanja, brojem telefona, e-mail adresom (ukoliko je imaju), te naznakom naziva radnog mjesta na koje se prijavljuju, dostaviti dokumentaciju kojom dokazuju ispunjavanje uslova zahtjevanih Oglasom i to:

- diplomu/svjedočanstvo o završenom obrazovanju i svjedočanstva od prvog do trećeg razreda, odnosno četvrtog razreda,
- uvjerenje o radnom iskustvu u struci na istim ili sličnim poslovima nakon sticanja tražene stručne spreme (Uvjerenje mora da sadrži podatke na kojim poslovima je kandidat radio na osnovu kojih se može utvrditi da je kandidat radio na istim ili sličnim poslovima koji se traže Oglasom, i jasno naveden period radnog angažovanja na tim poslovima ili Uvjerenje nadležnog Zavoda za penzijsko invalidsko osiguranje ili Porezne uprave koje mora sadržavati šifru zanimanja i naziv radnog mjesta na osnovu kojih se može utvrditi da li je kandidat radio na poslovima za koje se traži radno iskustvo i u kojem periodu – kopije Ugovora o radu i kopije radne knjižice neće se smatrati kao dokaz o radnom iskustvu),
- Biografiju sa ličnim i poslovnim referencama
- prijavu mjesta prebivališta-CIPS ne stariji od 6 mjeseci

Dokumenti koje kandidati prilažu uz prijavu moraju biti originali ili kopije ovjerene od strane nadležnog organa. Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida, ili su član porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu. Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje. Kandidati koji su ranije obavili pripravnički staž u Društvu ili su ranije radili u Društvu dužni su dostaviti dokaz o toj činjenici (odgovarajuće Uvjerenje). Sa kandidatima koji ispune uslove iz Oglasa obaviti će se usmeni ispit koji podrazumijeva pitanja iz oblasti poznavanja sadržaja poslova na radnom mjestu, poznavanje struke koju kandidat posjeduje, pitanja vezana za dosadašnje radno iskustvo u struci, pitanja za sticanje općeg dojma o kandidatu. Oglas ostaje otvoren 8 dana od dana objavljivanja. Prijavu na Oglas u zatvorenoj kovrti dostaviti putem pošte ili lično na adresu: JP Elektroprivreda BiH d.d.-Sarajevo Podružnica „Elektrodistribucija“ Bihać, ulica Bosanska br.25. Bihać, sa naznakom „Prijava na Oglas“ (lično podnijete prijave na protokol se zaprimaju radnim danom ponedjeljak-petak u periodu od 07:30-14:00 sati).

Sa kandidatom koji bude izabran zaključit će se ugovor o radu nakon što dostave ljekarsko uvjerenje izdano od strane nadležne zdravstvene ustanove da su zdravstveno i radno sposobni za obavljanje poslova radnog mjesta na koje je izabran. *Neuredne (nepotpisane), nepotpune i neblagovremene prijave odbacit će se zaključkom*, a kandidati će pismeno biti obaviješteni o ishodu Oglasa.